

# KEM BESTARI SOLAT



*“Seramai 91 orang murid SK Yamtuan Lenggang telah menyertai aktiviti ini”*

**20 orang pelajar UiTM Kampus Kuala Pilah telah dilantik sebagai fasilitator sepanjang aktiviti ini.**

Kem Bestari Solat adalah sebuah program berteraskan kerohanian anjuran bersama Sekolah Kebangsaan Yamtuan Lenggang dan Persatuan Bahasa Arab UiTM kampus Kuala Pilah. Kem ini telah dijalankan selama sehari dengan penglibatan seramai 91 orang peserta daripada murid Sekolah Kebangsaan Yamtuan Lenggang dan 20 orang pelajar UiTM Kuala Pilah sebagai fasilitator. Selain itu, seramai empat orang pensyarah UiTM Kuala Pilah juga terlibat sebagai penasihat.

Tujuan program ini dijalankan adalah untuk membantu murid mempelajari dan memperbaiki cara solat fardhu secara interaktif disamping membantu murid untuk mengenali gaya hidup seorang muslim yang sejati.



Kem ini telah dijalankan secara interaktif melibatkan teori dan amali. Setiap aktiviti dimulakan dengan ceramah mengenai konsep-konsep yang terlibat dalam solat bermula dari wuduk sehingga selesai solat diikuti dengan latihan amali. Ceramah dan latihan amali ini dikendalikan sepenuhnya oleh fasilitator yang terlibat melalui aktiviti yang menarik seperti permainan, explorace dan pertandingan.



Kesimpulannya, kem ini dapat memberi impak yang besar kepada murid-murid SK Yamtuan Lenggang dan juga kepada pihak UiTM kampus Kuala Pilah. Selain berlakunya perkongsian ilmu sesama mahasiswa dan mahasiswi dengan masyarakat setempat, program ini juga dapat memperlihatkan diversiti bidang ilmu dan kemahiran khususnya dalam ilmu kerohanian yang diterapkan di Institusi Pengajian Tinggi di Malaysia. Program ini juga merupakan sebuah platform bagi menyampaikan idea secara professional yang mampu meningkatkan nilai kualiti dan kreativiti dalam diri pelajar melalui pelbagai aktiviti yang dijalankan. Ini selaras dengan visi dan misi UiTM dalam melahirkan graduan yang mempunyai nilai moral yang tinggi di dalam diri serta mengambil kira kebajikan masyarakat.

